

ملکترده حکام ، التزام قیوداته زغماً یث ، خطاؤن سام قنما مشلردر . دیمک ایستزکه هیئت اتهامیه لک مستنطق قرارنامه زری علیهنده وقوع بولجق اعتراضاتده مرجع تدقیق اولق وظیفه سیله متفرعاتنه طوق قلمامق شرطیله معاملات اتهامیه نك لغوی زمانی ککش ظن ایدرز .

عبدالحاق مدحت

اصول مبعوثیت

قوانین اساسیه نك مبناسی تشکیل ایدن حاکیت ملته نتيجه طبیعی سی ، اصول مبعوثیت regime représentatif اولدیغنی اولکی مقاله مزده بیان و ایضاح ایلمش ایدک . اشبو مقاله مزی دخی اصول مذکور نك تدقیق و مطالعه سنه حصر ایده جکر .

اصول مبعوثیت — ملته حقوق حاکیتی استعمال ایتکله مکلف مبعوثلرک انتخابندن عبارتدر حدودلری کسب وسعت ایدن حکومتک تشکیلات حاضر دسی ایجابجه هر ملته بلاواسطه حقوق حاکیتی استعمال ایتسنه امکان بولندیغنی وبالاتخاب تعیین ایده جکی مبعوثلر حقوق مذکور بی ترک وتودیع ایلمک مجبوریت مادیه سنده بولندیغنی حقایق مسلمه دندر اشبو ایضاحاتدن دخی مسلمان اولدیغنی وجهله اصول مشروحه نك اساسی انتخاب و وسائط تطبیقیه سی منتخب ومبعوثدر بوکون یالکز منتخب ایله اکا متعلق اولان صور انتخابیه دن بحث ایده جکر .

منتخب — افرادک منتخب اوله ییلمسی ایچون حائر اولمی اقتضا ایدن اوصاف و شرائط اقوام و ازمته کوره دائماً تخلف ایلمشدر . قوانین اساسیه نك اکثریسنده بوبایده بسط وتمهید اولتان شرائط منتخبک ذکر دین اولمی ، حکومته از چوق ویرکو ویرمی ، معین بر اقامتک ایدمی ، برس معینی اکمال ایلمش و اوقویوب یازه جق قدر بر تحصیل ابتدائی کورمش اولسندن عبارتدر حق انتخابدن اسقاط ایدن اسباب ایسه حقوق مدنی و سیاسیه دن محرومیتدر . فعلاً

خدمت عسکریده بولنلر حین انتخابده لیستهلرنده محرر اولدقلری ناحیهلرده مأذوناً حاضر بولندقلری تقدیرده موقتاً حق انتخابدن ساقط عد اولورلر .

بزده منتخبلرک شرائط و اوصافی انتخاب مبعوثان قانوننک اونبرنجی ماده سنده صراحة ذکر و تمدا ایدلش اولدیغندن ماده مذکورهنک بورایه عیناً درجی مناسب کورلمشدر ؛ « یکریمی یاشی اکیل ایتمیان و حقوق مدنیهدن ساقط بولنان و تابغیت اجنبیهده ویا ادعاده بولنان ویا موقه خدمت اجنبیه امتیازینی حائر اولان ویا نظاماً افلاس ایله محکوم اولوب اعاده اعتبار ایتماش ویا محجوز یته حکم لاحق اولوبده فک حجز ایتماش اولانلر ویا طوغریدن طوغرییه دولته آرزق ویرکو ویرمیانلر انتخاب حقندن ساقطدر . »

فرانسهده (۱۸۷۵) تاریخنده نشر اولنسوب الیوم مرعی الاجرا اولان قانون موجبجه یکریمی بر یاشی اکیل و حقوق سیانییه و مدنیهلرندن استفاده ایدنلرک کافهسی ذکوردن اولق شرطیه حق انتخابه مالکدرلر .

صور انتخابیهه کیریشمزدن مقسم قادینلرک موضوع بحث اولان حقندن اسباب محرومیته دائر بر ایکی سوز سویلیهلم: قادینلرک تکملات دماغیه و ترقیات علمیهلرینی ایلری سورهرک ایکی طائفه بشر آراسنده تأسیس مساوات ایلمک ادعاسنده بولنان قادینلرک تکالیف عمومیهه تابع اولدقلری حالده تکالیف مذکورهنک وضع و تفتیشنده ارککلرکی حائر حق و صلاحیت اولمالری موافق حق و معدلت اولیهجغنی بیان و حیات سیاسییه اشتراکلرینی ترویج و التزام ایلمکده درلر . انکلترده « دیزرائلی » و « غلادستون » ک تشویقات و تکلیفاتی اوزرینه قادینلرک انتخابات بلدییهه اشتراکلرینه مساعده اولندیغنی کی ایرلاندهده دخی ذات الزوج اولمیان قادینلرک ارککلر مثل و حق انتخابدن استفادهلری تجویز ایدلمشدر . پانسیلوانیاده امور تدریسییهه متعلق انتخابده ارککلر ایله قادینلر مساوی طو . تلمقهدهدر . اوستریاده ایسه اراضی وسیعهه مالک اولان قادینلر وکاله حق مذکوردن استفاده ایلمکدهدرلر .

مع مایفه بر طرفدن قادینلرک عادات مدنیّه حاضرهدن طولانی کونا کونا

قيود اجتماعيه و مدنيه تابع اولملرى و ديكر طرفدن ذات الزوج اولانلرك زوجلرينك نفوذ قانونيسى آلتسده بولنق و ايجابات اجتماعيه دن اوله رق امور يتيه لرينه حصر نفس ايلمك مجبوريتنده بولملرى حيات عموميه يه اشتراكلى حقتده بالاده بيان اولئان فكر مساوات پرورانكك تاثيرات فعليه سنى پك محدود بردرجده براقشدر . فرانسه ده واضع قانون قاذينلرك حقوق سياسيه سنى حال اجتماعدن غايه مقصود اولان سعادت عموميه نك شرائط اساسيه سنه مغاير كوره رك شمدى يه قدر بوياده اك جزئى بر مساعده نى بيله اسيركه مشدر . هله اصول مشروطيه يكي كيرن بزم كى بر قوم مبتديده نتاييجى غير معلوم اولان بويله بر مسئله مهمه نك هنوز موقع مذاكره يه وضعنه اصلا امكان بولمدينى بتون ارباب عقل سليم نزدنده بر امر مسلمدر .

كله لم صور انتخابيه يه : انتخاب ، رأى عام ويا رأى محدود ، رأى بالواسطه ، رأى على ويا رأى خفى ايله اجرا اولمقده در .

رأى عام : ثروت ، تحصيل ، واقامتگاه كى قيود و شرائطه تابع اولمقسرين حقوق سياسيه و مدنيه مالك اولان هر فردك صورت متساويه ده حق انتخابدن استفاده سنى تأمين ايلر . رأى عام اصولجه حق انتخاب ، حاكميت ملتك بر نتیجه غير مفارقه سى و موضوعات قانونيه نك فوقده بر حق طبعى و شخصى نظريه تلقى ايدلديكندن هر فردك حق مذكور دن مساوى بر صورتده استفاده سنى تحت وجوبده عد اولمقده در . اشبو صورت انتخابك طرفدارانى وظائف عموميه ايله مكلف هر فردك وظائف مذكوره نك وضع و تعييننه مأمور اولان مبعوثلرك حين تعييننده اعطاي رأى ايلمك خصوصنده كى حقتى تسليم ايلمكده درلر . اهاليك امور عموميه يه اجراى تأثير و نفوذ ايلمسنه فوق العاده مساعد اولان رأى عامك . ملكات سياستك هنوز كسب رسوخ ايمان اقوام ايچون محذوردن سالم اوله ميه جنى امور بديهه دندر . بويله اقوامده قاينه نك هردائم انقلاب و تجديد ايلمسنى استلزام ايلديكى كى كرك امور داخليله كركه مناسبات خارجيه ده متين و مطرد بر اصول سياسيه نك تطبيق و تعقيب اولمسنه دخى مانع اولمقده در .

والحاصل ارباب حقوقدن برینک افاده بلیغمنه کوره رأی عام تربیه سیاسیه سی هنوز کماله واصل اولمیان اقوامک النده نهلکلی بر سلاح تشکیل ایلمکده در . فرانسه ده بو صورت انتخاب ۱۸۴۸ تاریخندن بری موقع تطبیقه وضع اولندی کی الیوم آلمانیا ، سوئیتره و دانیمارقه حکومتلرنده دخی مرعی الاجرا اولمقده در .

رأی محدود : ثروت ، تحصیل وسائر قیود انتخابیه معلومه ایله تحدید اولنان صورت انتخابدر . رأی محدودک غایه سی منتخبلرک عددنی تنقیص واعتدال وبصیرت دائره سنده حرکتنی تأمین ایلمکدن عبارتدر .

فی الواقع ظهوری ملحوظ برانقلابک تأثیرات مضره سندن ثروته علاقه دار اولانلرک ده ا زیاده متضرر اولملری و بناءً علیه اسباب منعه کمال اعتدال ایله توسل ایلملری ایجابات طبیعیه دن اولدینی کی تحصیل کورمش اولانلرک دخی تأثیرات مذکوره نک تعیین و تقدیرنده ده ا زیاده اصابملری امور مسلمه دندز . اصول مشروطیه یکی کیرن اقوامده طبیعی بولنان تجربه سزلک حاله کمال موافقتی درکار اولان اشبو صورت انتخاب ، انتخاب مبعوثان قانونمزلک بالاده ذکرى سبقت ایدن ماده سکز فقره اخیره سیله بزده قبول و تصدیق اولمشدر . فرانسلر دخی حیات سیاسیه لرینه ۱۷۸۹ تاریخنده رأی محدود ایله باشلامشلرایدی . وهله اولاده اهمیتدن عازی کی کورینان اشبو قیود انتخابیه نک تطبیقاتده استلزام ایلدیکی نتایج فوق العاده شایان اعتنادر . بعضاً اولیه جق برقید میلیونلرجه منتخبی حق انتخابدن اسقاط ایلر ، مثلاً فرانسه ده ۱۸۵۱ تاریخنده نشر اولسان قانونده مندرج « اقامتگاه » قیدی یکدن ایکی میلیون منتخبی حق انتخابدن محروم ایلمیشدی . هله بوندن برمدت مقدم جراند معتبره مزدن برنده سرد اولنان مطالعیه توفیقاً بزده حق انتخاب اوقویوب یازه جق قدر تحصیل کورمش اولانلره حصر ایلمک ایجاب ایتمش اولسه یدی بوکون حق مذکور دن استفاده ایدنلرک برقم مهمنک محرومیتی دعوت ایلمش اوله جنی درکاردر . بوندن بشقه اوله برقیدک تطبیقه اصول مبعوثیتک شرائط اصلیه سندن بولنان « قاعده نسبت » ده دخی Proportionnalité مغایر

حرکت ایدلمش اوله جغنی انکار ایديله من چونکه ملت عثمانیه عناصر مختلفه دن
 مترکب اولدیغندن کافه عناصرک ممکن مرتبه نفوسلرینه نسبتاً مبعوث انتخاب
 ایتلمی اقتضا ایدر تاکه تشکل ایده جک اولان هیئت مبعوثان حکیم شهر روسونک
 ادعا سجه عمومک دکل ایسه ده هیچ اولمز ایسه اکثریتک ترجان افکاری اوله
 بیلسون ذاتاً بو شریطه اساسیه توافقی ایتیمان بر هیئت مبعوثانک بر هیئت مستبده دن
 بشقه بر شی اوله میه جغنی بی اشتباهدر حالبوکه قانون اساسینک « تحصیل ابتدائی
 مجبوریدر. » حکم جلیلی هنوز موقع تطبیقه وضع ایدلماش اولدیغندن عناصر
 مذکور دنک اوقویوب یازه حق قدر تحصیل کورمش اولان افرادی آراسنده
 بوکون بر نسبت آرامق ممکن اولدیغنی شویله طورسون الفبارینک حسن ترتیب
 وتشکیلندن طولانی طلب اولنان معلومات ابتدائیه نک روحه وارمیجه لسانلریله
 بر قاج آی ظرفنده استحصالی قابل اولدیغنی حالده لسان ترکیده معلومات مذکورده بی
 انحق بر قاج سنه لک سی وغیرت تأمین ایده بیله جکی نظر اعتباره آنور ایسه
 توصیه اولنان قید انتخابی نک تطبیقاتده انتاج ایده جکی طبیعی بولنان نسبتزلکک
 حقسنزلفک بیوکلکی کندیلکندن تعین ایلر هر کسک رأی ویرمک حقی قبول
 ایتمکه برابر تحصیل و ثروت کبی اوصافی حائر اولانلره ایکی ویا ایکیدن زیاده
 رأی تأمین ایتمک صورتیله رأی عام ایله رأی محدودک مزجی دخی
 قابلدر. Vote plural: مثلاً حکومته چوق ویرکو ویرنلره ویا خود ساده چه عائله صاحبی
 اولانلره ایکی ویا ده از زیاده رأی ویرمک صلاحیتی بخش ایدیلور. رأی محدودک تأمیناتی
 محتوی اولان اشبو صورت انتخاب هر حالده تطبیقاتده رأی عام بختنده
 ذکر ایلدی کمز محاذیری بر طرف ایتمکه کافی اولدیغندن حیات سیاسیه
 باشلایان بر قومه توصیه ایديله میه جکی بدیدر.
 بلا واسطه انتخاب: هر کسک ارزو ایلدیکی نامزدی طوغریدن طوغری به
 مبعوثانغه انتخاب ایده بیله سندن عبارتدر. هر فردک بلا واسطه حیات عمومیه
 و سیاسیه اشتراکنه و نامزد ایله روبرو کلوب پروگرامنک تدقیق و تنقیدینه
 مساعد اولان اشبو طرز انتخابه لسان حقوقده « نظریه اساسیه » نامی ویرلمشدر.

هر حالده بلا واسطه انتخابدن مأمول اولان فوائدك حصولی آنحق متری برتریه سیاسیهك موجودیته وابسته اولدینی غیر قابل انکاردر ، انکاردهده اسکیدن بری جاری اولان بوصورت انتخاب فرانسهده ۱۸۳۷ تاریخندن بری مرعی الاجرا اولمقدهدر .

بالواسطه انتخاب : مبعوثلرک افراد طرفندن تعیین اولسان منتخب ثانیلر معرفتیه انتخاب اولنسنندن عبارتدر . « کیزو » و « قولالار » طرفندن ترویج اولنان اشبو طرز انتخابه اسان حقوقده « نظریه علمیه » تسمیه ایدلمکدهدر . هنوز احوال سیاسیه آشماش اقوامه فوق العاده موافق اولان بواصول انتخاب تطبیقاتده يك چوق سوء استعمالك اوکنی آلمقده تربیه سیاسیهك تدریجاً تکامل ایلمسنه خدمت ایلمکدهدر . انتخاب مبعوثان قانونك یکریمی برنجی مادهسی بزده بالواسطه انتخاب اصولی وضع ایلمشدر . فرانسهده مجلس مبعوثان بلاواسطه انتخاب ومجلس اعیان دخی بالواسطه انتخاب ایله تعیین اولمقدهدرلر .

رأی علنی — رأی علنی لهنده بولنانلر حق انتخابی بر وظیفه عمومیه عد ایدرک وظائف عمومیه سائره کی علناً اجرا اولنسنی ادعا ومتخبیدن علناً فکرنی بیان اتمک فضیلت اجتماعیه سی طاب ایلمکدهدرلر . اشبو اصول دایمارقه ، پروسیا ، اوستریا وهولاندهده جاریدر ،

رأی خفی — ملحوظ اولان تضییقات واجبار اتدن متخبی بالفاظه استقلال فکرنی تأمین ایلر . انتخاباتک کمال سربستی وجدیتله جریانی کافل اولان رأی خفی اصولی هر زمان فرانسه ، انکاره وآمریکا حکومتلرنده تطبیق اولنه کلشدر . بزده دخی اشبو اصول انتخاب قانون اساسیمزک جمله احکامندن اولوب ملاحظات مشروحیه مبنی احوال اجتماعیه حاضرهمزه شمعدیلک موافق بر اصول اولدینی جای تردد اولهمز .

سوخته زاده احمد